

Халқ сўзи

Ўзбекистон —
келажаги
буюк
давлат

2022 йил — ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2022 йил 19 январь, № 12 (8074)

Чоршанба

Сайтимизга ўтиш учун QR-кодни телефонингиз орқали сканер қилинг.



МАЪНАВИЙ-МАЪРИФИЙ УЙҒОНИШ, ИНСОН ҚАДРИНИ УЛУҒЛАШ — ЯНГИ ЎЗБЕКИСТОННИ ҚУРИШНИНГ ЭНГ АСОСИЙ ОМИЛИ

Хозирги даврда янги Ўзбекистон ва учинчи Ренессанс пойдеворини қуриш мақсадларининг давлат сиёсати даражасига кўтариллиши, мамлакатда “Халқ давлат идораларига эмас, давлат идоралари халқимизга хизмат қилиши керак” принципи асосида сиёсий тизим ва бошқарувдаги туб ўзгаришлар жамият ҳаёти кун тартибига маънавий қадриятларни тиклаш ҳамда ривожлантириш масаласини қўйди. Албатта, жамият ва давлатни тараққий эттиришнинг асосий омилларидан бири — бу инсон маънавий дунёсини юксалтиришдан иборат.

Маънавий қадриятларнинг инсон дунёқарашида ва жамият ҳаётида ривожланиши учун зарурий шарт-шароитларни яратиш — бу азалдан давом этиб келаётган анъанага айланган. Бошқача айтганда, давлат ҳокимиятининг жамиятнинг маънавий ривожланиши учун ғамхўрлик ва ҳомийлик қилиши цивилизацияга эришган давлатлар учун хос бўлган ҳодисадир.

Нуктаи назар

Маънавият — инсониятнинг ўзаро аҳилликда ва ҳамкорликда яшаш кафолати, жамиятдаги турли зиддиятлар, қарама-қаршиликлар, ўзаро душманликларни келиштирувчи омил, барқарор яшаш ва биргаликда ривожланиш формуласи.

Президент Шавкат Мирзиёев бундан бир йил муқаддам — 2021 йил 19 январда маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари бўйича видеоселектор йиғилишида маънавият-

нинг инсон, давлат ҳаётидаги бекиёс юксак ўрнини қуйидаги таърифлаб берган эди: “Агар жамият ҳаётининг танаси иқтисодидёт бўлса, унинг жони ва руҳи — маънавиятдир. Биз янги Ўзбекистонни барпо этишга қарор қилган эканмиз, иккита мустақкам устунга таянамиз. Биринчиси — бозор тамойилларига асосланган кучли иқтисодидёт. Иккинчиси — аждодларимизнинг бой мероси ва миллий қадриятларга асосланган кучли маънавият”.



Олий Мажлис Қонунчилик палатасида

ҚИЗГИН ТОРТИШУВЛАР МУКАММАЛ ҚОНУНЛАРНИ ҚАБУЛ ҚИЛИШДА МУҲИМ АҲАМИЯТГА ЭГА

Кеча Олий Мажлис Қонунчилик палатасининг навбатдаги мажлиси бўлиб ўтди. Унда халқ вакиллари томонидан кун тартибига киритилган кўплаб масалалар, шунингдек, қонун лойиҳаларидаги ҳар бир модда қизгин тортишув руҳида батафсил ва чуқур муҳокама қилинди.

Айтиш жоизки, бундай ёндашув ҳар бир ҳужжатнинг мукамал, пишиқ-пухта бўлишини таъминлайди. Бу эса парламент олдидаги устувор мақсадлардан биридир.

Очиқлик ҳамда шаффофлик бош мезонга айланди

Дастлаб “Ўзбекистон Республикаси Олий Мажлиси Қонунчилик палатасининг мажлисларини жонли эфирга узатиш натижадорлигини янада ошириш тўғрисида”ги масала кўриб чиқилди.

Таъкидланганидек, сўнгги йилларда мамлакатимизда Президентимиз Шавкат Мирзиёев раҳбарлигида жамият ҳаётининг барча жаб-

ҳасини эркинлаштириш, сўз ва матбуот эркинлиги, очиқлик ҳамда ошқоралик тамойилларини чуқур қарор топтириш борасида тизимли ишлар уюрилди. Муҳими, давлат ва жамият ҳаётига дахлдор масалаларга халқимизнинг фикри, талаб ҳамда истақларини эътиборга олган ҳолда ечим топилаётган.



Сенатор ва ҳаёт

МУРОЖААТЛАР САМАРАЛИ ҲАЛ ЭТИЛМОҚДА

Бугунги кунга келиб, бошқа соҳаларда бўлгани сингари парламентимиз фаолиятида ҳам янгиланишлар ва замонга ҳамнафаслик кўзга ташланмоқда. Олий Мажлис Сенатининг мурожаатлар билан ишлаш борасидаги фаолияти бунга ёрқин мисолдир.

Рости, бундан беш-олти йил илгари ҳам вазият бошқача эди, яъни юрдошларимиз ўзлари сайлаган депутат ва сенаторларни деярли танимасди, билмасди. Халқ вакиллари эса шинам кабинетларидан чиқмас, чиқ-

моқчи бўлганлар учун эса имконият ва шароит бўлмаган. Шу сабабларга кўра халқ ва улар сайлаган вакиллари ўртасида кўринмас девор пайдо бўлган эди.



СЎНГГИ ПУШАЙМОН — ЎЗИНГА ДУШМАН

ЯҚИНЛАРИНГИЗ САЛОМАТЛИГИ СИЗГА ҲАМ БОҒЛИҚ.

Бугунги кунда бутун дунёда бўлгани каби юртимизда ҳам коронавирус инфекцияси ва ўткир респиратор касалликлар авж олмоқда. Тожимон вируснинг нисбатан тез тарқаладиган янги штамми — “омикрон”нинг мамлакатимизга кириб келгани бу борадаги хавотирларни янада оширяпти.

Огоҳлик

Соғлиқни сақлаш вазирлиги маълумотларига кўра, икки кун аввал коронавирус билан касалланиш бўйича кунлик кўрсаткич мингдан ошиб, пандемия бошидан бўён рекорд даражага етди.

Афсуски, ушбу касаллик нафақат ёши улғу инсонлар, балки болаларда ҳам кўп кузатилаётган. Бунинг нақадар ачинарли эканлигини бемор фарзанди бошида туни билан мижа қокмай чиққан инсонлар яхши ҳис қилишади. Ахир ҳали ўн гулдан бир гули очилмаган ёш ниҳолнинг бевақт хазон бўлиши ҳар қандай дилга адосиз қайғу солмайдими?!

Коронавируснинг “омикрон” штамми дунё аҳолисини яна ихоталанишга мажбур қилди. Айниқса, пандемиянинг янги тўлқини авж олаётган мамлакатлар қўшимча карантин чекловлари орқали касалликнинг кенг тарқалишига тўсик қўймоқчи. Масалан, Германияда жамоат жойларида тиббий ниқобсиз юриш тақиқланди. Вакцина олмаган ва “манфий” тест натижаси бўлмаганлар ресторон барлар, театру томошагоҳлар ҳамда фитнес клубларига киришдан маҳрум.

Францияда бустер-доза билан эмла-

ниш учун аҳолига 7 ой муддат берилди. Чунки ҳозир бу ерда кунлик касалланиш ҳолатлари чўқига чиққан. Масалан, 15 январда мамлакатда 324 минг кишида COVID-19 инфекцияси аниқланган.

Данияда ҳам мутахассислар эмланишга катта умид боғлашапти. Шу сабабли у Европада тўрт дозали вакцинани қўллаган биринчи давлат бўлди.

Грецияда эса 60 ёшдан ошган эмланмаган фуқаролар жаримага тортила бошлади. Тўлов миқдори 50 еврога тенг ва келгуси ойдан у икки борабор оширилади.

Хиндистон пандемия даврида корона-вирусни юқтириш кўрсаткичлари бўйича жаҳонда иккинчи ўринда. Бу ерда жами касалланганлар сони 37 миллион нафардан ошди. Улардан 486 минг нафари COVID-19 асоратлари туфайли ҳаётдан кўз юмган.



ОДАМЛАР ТУРМУШИДА ҚАНДАЙ ЎЗГАРИШЛАР ЮЗ БЕРЯПТИ?

Олот — мамлакатимизнинг энг чекка туманларидан бири. Ўзбекистоннинг жанубий дарвозаси саналган ушбу ғушада айни дамда 100 минг нафар аҳоли истиқомат қилаётир.

Сир эмас, чекка ҳудудлар аҳолисининг ўзига яраша ўй-ташвишлари, муаммолари бўлади. Олот ҳам бундан мустасно эмас. Туманда ана шундай ҳаётий муаммолар қай тарзда ҳал этиляпти? Бу манзилда умргузаронлик қилаётган одамлар турмушида қандай ўзгаришлар юз беряпти?


Қуйида шу ҳақда сўз юритамиз.

Қарийб 55 йилда ушалган орзу

Тўракул Гадов “Дилкор” маҳалла фуқаролар йиғини ҳудудидаги Байрамжон киши-лида яшайди. Турмуш ўртоғи Дурдона ая билан тўрт фарзанди оқ ювиб, оқ тараб-воёга етказган, ҳозир ўн неваранинг ардоғида бўлган отахон рўзгорининг бир ташвиши енгиллашганидан хурсанд.

Гап шундаки, ичимлик суви яқин-яқинга-ча барча олтиликлар қатори Гадовлар оила-

си учун энг катта муаммо эди. Одамлар тоза ичимлик суви илинжида нималар қилишмади, дейсиз? Кудук ўрнатиб ер ости суви-га умид боғлашди. Аммо сув ўта шўр, истеъмолга яроқсиз чиқди. Сўнг бетондан ажабтовур хандак тайёрлаш урфга кирди. Ариқдан оқаётган лойқа сувни шу хандакка ташлаб, тиндирилган ҳолда истеъмол қилишга мажбур бўлдлар.



Ислохотлар самараси



